



Եկեղեցի Զուլմայի համար

Գուցե կար ավելին, քան Աստված ցանկանում էր, որ Զուլման իմանար:

Լյուսի Սթիվենսոն
Եկեղեցու ամսագրեր
(Հիմնված է իրական պատմության վրա)

«Փնտրեք, և դուք կգտնեք»
(3 Նևիի 14.7):

Զուլման նստել էր եկեղեցու
Չնատարաններից մեկի վրա
և հարթում էր իր դպրոցական
համազգեստի կիսաշրջագգեստը:
Գունավոր լույսերը փայլում էին
ապակենկարով պատուհանների միջով,
իսկ հավաքատան առջևի

մասում կանգնեցված էր մի խաչ: Զուլման հաճախում էր
եկեղեցու դպրոցը, այսպիսով օրական երկու անգամ
մյուս ուսանողների հետ նա գնում էր երկրպագության
ծառայություններին: Զուլման սիրում էր իր եկեղեցին:
Նա սիրում էր Հիսուսին և սիրում էր սովորել Նրա մասին:

Նա լուռ նստեց, երբ քահանան սկսեց խոսել:
Բայց այսօր ամեն բան այլ էր: Հանկարծ նոր միտք
ծագեց նրա գլխում ու սրտում. *Ավելի շատ ճշնարտություն կա աշխարհում:*

Զուլման հավաքեց հոնքերը: Ավելի շատ ճշնարտություն:
Ի՞նչ էր դա նշանակում:

Այդ միտքը կրկին եկավ: *Ավելի շատ ճշնարտություն կա:*

Զուլման փակեց աչքերը և կենտրոնացավ իր
զգացածի վրա: Նա շատ լավ բաներ էր սովորել
եկեղեցում: Բայց հիմա նա ուզում

էր իմանալ՝ արդյո՞ք ինչ-որ բան պակասում էր:
Գուցե կար ավելին, որ Աստված ցանկանում էր,
որ ինքն իմանար: Բայց ինչպե՞ս կարող էր գտնել դա:

Ավելի ուշ իր ավագ եղբոր՝ Ալբերտոյի հետ
նա խոսեց իր մտքերի մասին:

«Դու կարծում ես, որ ավելի շատ ճշնարտություն
կա աշխարհում»: Հարցրեց Ալբերտոն:

Զուլման գլխով արեց: «Ես ուզում եմ սովորել
այլ եկեղեցիների մասին», - ասաց նա:

«Եղավ», - պատասխանեց Ալբերտոն: «Ես կգամ
քեզ հետ»:

Մի քանի տարի Զուլման և Ալբերտոն
այցելում էին տարբեր



Զուլման փոքր հասակում: Աջից՝ այսօրվա նրա
նկարը իր ամուսին Յոթանասունական Երեց
Վոլտեր Ֆ. Գոնզալեսի հետ:

եկեղեցիներ: Մի եկեղեցական ծառայությունից
հետո Ալբերտոն ասում էր. «Այն եկեղեցին լավ
բաներ էր սովորեցնում»:

Զուլման համաձայնվեց, բայց նրանք դեռևս
զգում էին, որ ինչ-որ բան պակաս է, ուստի շարունակեցին
փնտրել:

Մի օր Ալբերտոն աստիճաններով արագ բարձրանում
էր իրենց տուն: «Ես գտել եմ եկեղեցին, որը մենք
փնտրում ենք»: Ասաց Ալբերտոն: Նա ամուր գրկեց
Զուլմային:

Զուլման լայն բացեց աչքերը: «Որտեղի՞ց
Ինչպե՞ս»:

«Իմ ընկերը հանդիպել է Հիսուս Քրիստոսի Վերջին
Օրերի Սրբերի Եկեղեցու միսիոներներին», - ասաց
Ալբերտոն: «Ես լսեցի նրանց և հավատում եմ այն
ամենին, ինչ նրանք սովորեցնում են»:

Զուլման և Ալբերտոն այնքան երջանիկ էին, որ պարելով
պտտվում էին տանը: Բայց հետո Զուլման մի վատ
նորություն ստացավ: Մայրիկը չէր ցանկանում, որ նա
հանդիպեր միսիոներների հետ: «Դու ընդամենը
12 տարեկան ես», - ասաց մայրիկը: «Դու չափազանց
երիտասարդ ես»:

Քանի որ Ալբերտոն տարիքով ավելի մեծ էր, նա
կարող էր հանդիպել միսիոներների հետ: Մի քանի
շաբաթ անց նա մկրտվեց:

Զուլման կրկին ու կրկին շարունակում էր հարցնել
մայրիկին՝ արդյո՞ք միսիոներները կարող են ուսուցանել
իրեն: Ի վերջո, մայրիկն ասաց՝ այո:

Երբ միսիոներներն ուսուցանում էին Զուլմային, նա
ջերմություն զգաց սրտում: Միսիոներներից մեկը
դժվարությամբ էր խոսում իսպաներեն, բայց դա
նշանակություն չունեցավ: Կարևոր էր, թե Զուլման
ինչ էր զգում: Երբ նա իմացավ Ջոզեֆ Մմիթի և Մորմոնի
Գրքի մասին, հասկացավ, որ գտել է ճշնարտությունը,
որն ինքը փնտրում էր:

Նա ցանկանում էր մկրտվել: Բայց ի՞նչ կասեր
մայրիկը:

Զուլման այնքան երջանիկ էր, երբ մայրիկն ասաց՝
այո: Իր մկրտության օրը Զուլման սպիտակ շորեր էր
հագել: Նա գիտեր, որ Աստված սիրում է իրեն: Նա
գիտեր, որ Աստված ճանաչում է իրեն: Եվ նա գիտեր,
որ Նա օգնեց իրեն գտնել Իր վերականգնված
Եկեղեցին: ●



ՆԱԿԱՐԵՆԸ ԱՐԽԵ ՎԱՐԵՆՅԱՆԻ